

**PAAMAAL KARKEY**

PAAMAAL KARKEY LAASHAEY AT'HAR HUSSAIN KA  
NAYZE PA ASHQIYA NE RAKHA SAR HUSSAIN KA

LATKAAYA GAH DARAKHT MEIN, GAH BAAB'E SHAAM MEIN  
RAKHA GAYA TANUUR MEIN, GAH SAR HUSSAIN KA

JAB HURMULA NE TEER LAGAAYA HAI HALQ PAR  
MUNH TAK RAHA THA YAAS SE, ASGHAR HUSSAIN KA

BE\_CHAIN THA JO RAAT SE, PAANI KE WAASTE  
GHALTAAN HAI AB LAHU MEIN WOH GAUHAR HUSSAIN KA

ZAINAB PUKAARIN, DEIKHTA HAI IBNE SAAD TU  
AUR KAATTA HAI SHIMR'E LAEEN SAR HUSSAIN KA

BE\_AAB HOTA KHANJARE QAATIL NA KIS TARAH  
SOOKHA GALA THA, BE\_KASO MUZTAR HUSSAIN KA

TEIGHEIN USI KI SHARM SE ABTAK HAIN AAB AAB  
SOOKHA GALA JO THA, TAHEY KHANJAR, HUSSAIN KA

HAR EK NE LAASH APNE AZEEZON KI MAANG LI  
PAAMAAL HO GAYA TAN'E BE\_SAR HUSSAIN KA

YA RAB BARAAEY PANJETAN'E PAAK, FIKR\* KO  
DIKHLA DE JALD RAUZA EY ANWAR HUSSAIN KA